

第三五〇冊

明倫彙編

氏族典

陳姓部

申姓部

辛姓部

荀姓部

(卷)

三三〇

三三

三三

三三

古今圖書集成

中華書局影印

古今圖書集成

中華書局影印

欽定古今圖書集成明倫彙編氏族典

第一百二十二卷目錄

陳姓部列傳六

宋二

陳襄

陳覺民

陳師錫

陳中復

陳玠

陳德林

陳師道

陳軒

陳希伋

陳顯仁

陳暘

陳璫

陳衍

陳驥

陳朝老

陳棟

陳彥弼

陳之翰

陳篆

陳純夫

陳叔易

陳遼

陳康伯

陳易

陳舜俞

陳開

陳睦

陳慥

陳偁

陳祥道

陳彥恭

陳太初

陳次升

陳汝錫

陳禾

陳高

陳祐

陳知柔

陳淬

陳正秉

陳彥文

陳最

陳鶴

陳過庭

陳適

陳叔懷

陳閻

陳公輔

陳柄

陳可大

陳宗

陳求道

陳興

陳康年

陳興義

陳豪

陳膏

陳皓

陳規

陳道周

氏族第一百二十二卷

陳姓部列傳六

宋二

陳襄

按宋史陳襄傳襄字述古福州侯官人少孤能自立與陳烈周希孟鄭穆爲友學者謂之四先生舉進士調浦城主簿攝令事縣多世族以請託爲常令不能制襄欲稍革其俗每聽訟必使數吏環立於前私謁者不得發老姦束手知河陽縣教民種稻富弼爲郡守一見卽禮遇之及入相薦爲祕閣校理判祠部知常州入爲開封府推官鹽鐵判官神宗立奉使契丹以設席小異於常不卽坐契丹移檄疆吏坐出知明州明年同修起居注知諫院改侍御史知雜事論青苗法不便名試知制誥襄以言不行辭不肯試願補外帝惜其去留修起居注襄懇辭手詔諭之乃就職踰年爲知制誥尋直學士院安石益忌之擢其書詔小失出知陳州徙杭州以樞密直學士知通進銀臺司兼侍讀判尚書都省卒年六十四贈給事中

襄蒞官所至必務興學校平居存心以講求民間利病爲急

陳易

按尚友錄易字體常少好學該綜經史工詩熙寧初遊京師會太學秋試諸生競求舉易以爲非我所以學卽棄去乃從佛氏之徒論出世法有所契就邑蔡溪之左結廬而處遠輩絕然日惟一飯遇風雨溪漲則併一孟飯間經旬不食易亦自若如是者五十年不變嘗曰性命之理儒與釋一也顧爲教不同耳崇寧初舉遺逸又舉八行郡守郭重致禮聘易謝牋曰早粗修於八行晚但了於一心心既本無行亦何有重不敢強

陳覺民

按萬姓統譜覺民字達野仙遊人熙寧初登第元祐初知漳州建州福州所如有治行改知泉州時有司建言欲權六郡酷覺民陳五不可還本路提刑風采嚴峻未嘗與僚屬妄交一談人甚憚之

陳舜俞

按宋史張問傳陳舜俞字令舉湖州烏程人博學強記舉進士又舉制科第一熙寧三年以屯田員外郎知山陰縣青苗法行舜俞不奉令上疏自劾奏上責監南康軍鹽酒稅五年而卒

陳師錫

按宋史陳師錫傳師錫字伯修建州建陽人熙寧中遊太學有儒聲神宗知其材及廷試帝閱其文擢爲第三調昭慶軍掌書記郡守蘇軾器之倚以爲政軾得罪捕詣臺獄親朋多畏避不相見師錫獨出餞之

又安輯其家知臨安縣為監察御史出知宿遷縣元祐初蘇軾三上章薦其學術淵源行己潔素議論剛正器識靖深德行追蹤於古人文章冠絕於當世乃入為秘書省校書郎遷工部員外郎加祕閣校理提點開封縣鎮殿內將官苛慘失士心方大閱群卒譁謀師錫馳至軍推首惡者致諸法按閣如初而効斥其將縣人歎服樞密院猶以事先不先白為罪罷知解州歷考功員外郎知宣州蘇州徽宗立召拜殿中侍御史蔡京為翰林學士師錫言京迷國誤朝俄改考功郎中師錫抗章言曰臣在職數月所言皆當今急務若以為非陛下方開納褒獎若以為是則不應遽解言職如蔡京典刑未正願受貶貶於是出知頰盧滑三州坐黨論監衡州酒又削官置彬州卒年六十九紹聖中贈直龍圖閣

陳開

按萬姓統譜開字發明以太學生登熙寧進士第調密州教授時太守蘇軾深器重之諸生力留更七年而後代密州儒風之盛自開始後入為太學博士召對進兩札其一排新法其一去小人進君子言議激切當國者忌之出為雄州通判尋陞宗正寺丞至朝奉大夫累贈金紫光祿大夫子畢元符三年登第

陳中復

按萬姓統譜中復字從道熙寧中第進士崇寧中提舉京畿京西路茶鹽香事時朝廷議行茶法以中復嘗監茶務令悉陳利害因以進用之謝曰吾豈以身計為權利作偏者政和中為廣東提刑凡八歷外臺所獎拔成就者多知名於世挽詩有云南北建牙多

故吏東西開府半門生

陳睦

按萬姓統譜睦賢良絳之孫王俊民榜第二人及第元豐間高麗航海修貢上以其恭順欲遣使往諭睦即受命自春涉冬而還

陳玠

按澄海縣志玠字待寶登元豐二年第初調建州法曹改知劍州沙縣監泉州市舶司遷承議郎陳氏為清漳四姓之後代為上族奔葉素封

陳慥

按尚友錄慥字季常寓居黃岡號方山子又號龍丘子有隱名以溪山自娛初與東坡同學於道士張易簡後東坡謫居黃州與之往來倡和作為方山子傳

陳德林

按萬姓統譜德林知真州蘇軾有詩云君為守令有古風名聲直入明光宮老人愛君如刻龍小兒敬君如魯恭

陳偁

按延平府志偁字君舉世卿子以父廢補太廟齋郎調通判蔡州力爭死獄活者五人知惠州築豐湖以朝議大夫致仕贈特進子璣

陳師道

按宋史陳師道傳師道字履常一字無已彭城人少而好學苦志年十六蚤以文謁會輩一見奇之許其以文著熙寧中王氏經學盛行師道心非其說遂絕意進取舉典五朝史事得自擇其屬朝廷以白衣難之元祐初蘇軾傳堯俞孫覺薦其文行起為徐州教

授又用梁燾為太學博士言者謂在官嘗越境出南京見軾改教授穎州又論其進非科第罷歸調彭澤令不起家素貧或經日不炊妻子慍見弗恤也久之召為祕書省正字卒年四十九友人鄒浩買棺斂之師道高介有節安貧樂道於諸經尤達詩禮為文精深雅奧喜作詩自云學黃庭堅至其高處或謂過之然小不中意輒焚去今存者財十一

陳祥道

按宋史陳賜傳賜兄祥道字用之元祐中為太常博士終祕書省正字所著禮書一百五十卷行於世

陳軒

按宋史陳軒傳軒字元與建州建陽人進士第二授平江軍節度推官元祐中為禮部郎中徐王翊善再遷中書舍人高麗入貢軒館客其使求市歷代史冊府元龜鈔鄭衛曲譜皆為上聞禮部尚書蘇軾劾其失體以龍圖閣待制知廬州徙杭州江寧頤昌府徽宗立為兵部侍郎兼侍讀入侍經閣每勸帝以治貴清淨帝頗聽行之加龍圖閣直學士知成都府不行改杭州福州卒年八十四

陳彥恭

按萬姓統譜彥恭字子愿莆田人元祐中第進士通判華州以清慎聞監轄河南坑冶鑄錢蔡京黨王桓欲增監鼓鑄彥恭曰山澤之利不可竭祖宗之額不可踰坐罷後知壽春府二帝北行彥恭悉禁旅而西或曰世亂如此空一府無兵可乎曰陛下安在而守臣欲留兵自衛耶在郡活人以千萬計民畫像祠之

陳希伋

按萬姓統譜希伋字思仲揭陽人未第時薦太學生馬錫有文武才乞擢用錫後立功人以希伋爲知人嘗上書陳利害數萬言皆切時病元祐中以經明行修舉第一擢知梅州

陳太初

按萬姓統譜太初眉山人初與東坡同學于道士陸惟忠後云有得道者曰太初問之則同學者也又數年見東坡於惠州云太初已尸解矣

陳顯仁

按萬姓統譜顯仁字藏用大卞季子始自仙遊遷居莆田之浮山紹聖元年登第調古田縣尉大臣有知顯仁者以其文行可領袖諸儒遂除教授嘉禾士多成就兩除睦親北宅宗學博士累遷朝請大夫攝宗正少卿初大卞著萬言書未及上而終至是顯仁上其書不報屢乞外補宣和九年以直祿閣知潭州官至朝議大夫

陳次升

按宋史陳次升傳次升字當時興化仙遊人入太學時學官始得王安石字說招諸生訓之次升作而曰丞相豈秦學耶美商鞅之能行仁政而爲李斯解事非秦學而何坐屏斥既而第進士知安丘縣御史中丞黃履薦爲監察御史哲宗立使察訪江湖提點淮南河東刑獄紹聖中復爲御史轉殿中論章惇蔡卞植黨爲姦惇下交惡之使所善太常少卿林頴致己意嘗以美官次升曰吾知守官而已君爲天子卿士而爲宰相傳風旨耶惇卞益不樂乘間白爲河北轉運使帝曰次升敢言不當去更進左司諫宣仁有追

廢之議次升密言先太后保祐聖躬始終無間願勿聽小人銷骨之謗帝乃止次升累章劾章惇蔡卞誣其毀先烈擬謫監全州酒稅帝以爲遠改南安軍徵宗立召爲侍御史極論惇卞曾布蔡京之惡竄惇於雷居卞於池出京於江寧遷右諫議大夫崇寧初以寶文閣待制知穎昌府降集賢殿修撰繼又落修撰除名徙建昌編管循州皆以論京卞故政和中復舊職卒年七十六

陳陽

按宋史陳陽傳陽字晉之福州人紹聖制科授順昌軍節度推官徽宗初進逐衡集以勸導紹述得太學博士祕書省正字禮部侍郎趙挺之言陽所著樂書二十卷貫穿明備乞援其兄祥道進禮書故事給札既上遷太常丞進駕部員外郎爲講議司參詳禮樂官魏漢津議樂用京房二變四清陽曰不可時論方右漢津絀陽議進鴻臚太常少卿禮部侍郎以顯謨閣待制提舉醴泉觀嘗坐事奪已而復之卒年六十八

陳汝錫

按尚友錄汝錫字師子青田人幼穎悟數歲能屬文或以其詩一聯示黃庭堅曰聞愁莫浪遣留爲痛飲資黃擊節稱賞曰我輩人也紹聖四年由太學登進士第邑之登第自汝錫始崇寧間諸路學事始置提舉首除提舉福建學事官至浙東安鎮使有鶴溪集刊於郡齋

陳瑾

按聞見前錄瑾字瑩中閩人有學問年十八登進士

甲科紹聖初用章惇薦爲太學博士與惇忤不復用會布爲相薦瑩中爲諫官爲都司又以爲忤出之瑩中爲諫官時極言蔡京不可用京深恨之屢責瑩例用赦放歸猶隸通州瑩中撰尊堯集以辯王安石妄作日錄以詆祖宗者今行於世靖康初不及大用以死特贈建議大夫

陳禾

按宋史陳禾傳禾字秀實明州鄞縣人舉元符三年進士累遷辟雍博士時方以傳注記問爲學禾始崇尚義理黜抑浮華入對契旨權監察御史殿中侍御史蔡京遣酷吏李孝壽窮治章絰鑄錢獄逮及士大夫甚衆未奏免孝壽京子儵爲太常少卿何執中壻蔡芝爲將作監皆疏其罪罷之遷左正言俄除給事中時童貫權益張與黃經臣胥用事御史中丞盧航表裏爲姦指紳側目未拜命首抗疏劾貫復劾經臣怙寵弄權論奏未終上拂衣起禾引上衣請畢其說衣裾落內侍請上易衣上却之曰留以旌直臣翌日貫等相率前懇謂國家極治安得此不祥語盧航奏禾狂妄謫監信州酒遇赦得自便還里初陳瑾歸自嶺外居于鄞與禾相好遣其子正彙從學後正彙告京罪執詣闕瑾亦就逮經臣泄其獄檄禾取證禾坐瑾黨停官遇赦復起知廣德軍移知和州尋遭內艱服除知秀州王黼新得政禾曰安能出黼門下力辭改汝州辭益堅曰寧餓死敵聞而銜之禾兄秉時爲壽春府教授禾侍兄官居適重貴領兵道府下謁不得入餽之不受貫怒歸而謂之上曰此人素如此汝不能容邪久之知舒州命下而卒贈中大夫諡文介

永性不苟合立朝挺挺有風操

陳衍

按宋史陳衍傳衍開封人以內侍給事殿庭累官供備庫使梁惟簡薦諸宣仁聖烈皇后主管高韓王宅領御藥院內東門司宣仁山陵爲按行使俄以左藏庫使文州刺史出爲真定路都監御史來之邵方力詆元祐政事首言行在垂簾日怙寵驕肆交結戚里張商英亦論衍交通宰相結託詞臣衍坐貶監郴州酒稅務已又編管白州徙配朱崖章惇起獄誣奏衍疏隔兩宮斥隨龍內侍十餘人於外以剪除人主腹心羽翼意在動搖大逆不道乃詔處死

陳高

按萬姓統譜高字可中閩之從子仙遊人元符中第進士召試除太學祭酒龔原司業傳稱其潛心經術尤深於易遷博士政和中始建醫學除太醫學司業累上封事以切直忤蔡京慨然力請致仕

陳驥

按萬姓統譜驥字德純仙遊人元符中由中舍選第進士與直講張讀參政李昉交善歷宗學博士性鯁特蔡京用事恥爲之屈不肯一見歷温州通判年六十二卽掛冠自號安處居士

陳祐

按宋史陳祐傳祐字純益仙井人第進士元符末以吏部員外郎拜右正言上疏遷右司諫言林希紹聖初掌書命草呂大防劉摯蘇轍梁燾等制皆務求合章惇之意陛下項用臣言視其職自大名移揚州而希謝表具言皆出於先朝大抵姦人詆毀善類事成

則據己所憤事敗則歸過於君至如過失未形而訓辭先具安得爲責人之實歷辨詆誣而上侵聖烈安得爲臣子之誼不一二年致位樞近而希尚敢忿躁不平謝章慢上不敬此而可忍孰不可忍希再降知舒州又論章惇蔡京蔡卞郝隨鄧洵武忤旨通判滁州十乞貶伯雨等祐在數中編管澧州徙歸州復承議郎卒

陳朝老

按尚友錄朝老字廷臣政和人元符末爲太學生論事剴切臺諫受蔡京風旨以狂妄目之大觀三年以何執中爲左僕射朝老上書曰陛下卽位以來凡五命相有若韓忠彥之庸懦會布之賊汚趙挺之之蠱愚蔡京之跋扈今復相執中執中碌碌常質初無過人天下敗壞至此如人一身臟腑受冷已深豈庸醫所能起乎執中夤緣攀附到二位二府固已大幸遽俾之經體贊元是猶以蚊負山多見其不勝任也宣和末與陳東等上書論蔡京等編置道州建炎改元遇宥歸耕石門紹興間三詔徵之堅辭不起學者稱曰陳三詔

陳知柔

按尚友錄知柔字體仁溫陵人自號休齋居士在天台乘安輿徧遊名山歸至會稽愛嚴壑之秀畱止二年罷賀州歸留惠陽三年暇日泛湖登白鶴峰追和東坡詩陶寫羅浮風物殆盡凡四奉祠諸生受業戶屢嘗滿姪模楷皆登第

陳棣

按尚友錄棣汝錫子以父任終通判潭州著蒙隱集

刊於宜春

陳淳

按宋史陳淳傳淳字君銳興化軍莆田人紹聖初下第挾策西遊時呂惠卿帥鄜延淳戎服往見惠卿問相見何事淳曰大丈夫求見大丈夫又何事惠卿器之補三班奉職與西人接戰於烏原手殺十餘人擒其若主奏爲左班殿直鄜延路兵馬都監累遷武經郎丁外艱宣和四年召赴闕授真定路分都監兼知北岩河北第一將尋拜忠州團練使真定府路馬步副總管七年金人入真定淳以孤軍禦之妻孥八人皆遇害建炎元年辟諸軍統制宗澤命擊金人於南華敗之兼大名府路都總管兵馬鈐轄權知恩州王善者金之種落也擁兵十萬長驅兩河遂襲恩淳與長子仲剛拒戰賊飛刃及淳仲剛以身蔽刃死之明年善復圍陳州淳大敗善兵拜宿州安撫使李成叛詔以淳爲御營使六軍都統淮南招撫使討之三戰三捷未幾金人犯采石又檄淳回援建康淳曰伏兵葭蘆翳蒼間俟其濟當盡獲矣杜充不從金兵遂犯板橋諸軍皆潰淳獨與戰勢窮力盡據胡林大罵刃交於胷而色不動與其從子仲敏俱死詔贈拱衛大夫明州觀察使官其一子一壻

陳彥弼

按浦城縣志彥弼字敏求以詞賦補太學生崇寧二年登進士調無錫衛爲婺州教官改宣教郎潭州僉判秩滿得湖南提學司幹官除國子博士出倅廣西全州攝郡事建炎中奉祠終老於家官至朝散大夫

陳正彙

按尚友錄正彙在杭訟蔡京有動搖東宮之迹杭守蔡巖執正彙送京師蔡京黨李孝壽坐以所告失實流之海上

陳之翰

按萬姓統譜之翰字憲之明州人少有志操好學能文鄉人有貸金攜以償之者適在舟給曰金墜於水中之翰不疑後數年其人自悔病且死遣其子來償之翰受之不拒徐以其償助其喪葬崇寧初衆論薦於朝官之

陳彥文

按萬姓統譜彥文睦之子居蘇州以職事登對稱旨崇寧中賜進士出身戶部侍郎顯謨閣直學士知慶洪楚江四州在江州視事甫十日盜張遇犯城彥文擊走之建炎初除江淮制置使召入都堂議事

陳篆

按萬姓統譜篆字思文宣和間登進士歷任州縣所至有聲子準以陰補官年五十餘即掛冠歸有別墅在石屋間朱熹爲扁石屋書室二子秬爲江夏令秬力學不倦秬子畦爲靖州判官

陳最

按萬姓統譜最字季常福安人宣和間登進士第授新昌縣丞會杭卒叛最單騎見賊以理論之賊曰此公忠義虐之不祥遂送最以歸召對稱旨上諭宰執曰陳最人物可愛議論可取授諸司糧料院佐鄭中使川陝與金公畫地界金使乃賀景仁之子屢與最爭最責之曰子受本朝大恩何乃若是賀氣沮卒從所議還朝以聞上喜時秦檜方主和議最力沮之檜

不悅出知興國軍

陳純夫

按萬姓統譜純夫字德全適之子初以陰補官仕東閩有異政守鄧繼父之後鄧人稱之不啻召杜純夫篤於恩義歷仕四十二年確守名節宣和間自南康乞祠居鄉十年以文自樂官至大中大夫世號湖南夫子

陳鶴

按萬姓統譜鶴字聞野仙遊人宣和六年進士惠州僉判惠俗僻陋士風不振鶴與州守吳達老大典學校親典教授事執經者歲數百人鶴乃捐俸置學田以增庠又表置學官自後文士彬彬惠之倡學實自鶴始

陳叔易

按尚友錄叔易初與晁以道俱隱嵩山叔易赴召晁以詩送之云處士何人爲作牙盡攜猿鶴到京華故人嚴整應惆悵六六峰前只一家以道宣和間領郡人復以此嘲之

陳過庭

按宋史陳過庭傳過庭字賓玉越州山陰人進士第爲館陶主簿潭州教授知中牟縣除國子博士何執中侯蒙器其才薦之擢祠部吏部右司員外郎使契丹過庭初名揚庭辭曰徽宗改賜今名歸還太常少卿起居舍人宣和二年進中書舍人纔七日遷禮部侍郎未盡一月又遷御史中丞兼侍讀寤寤竊發過庭言致寇者蔡京養寇者王黼宜昭正典刑以謝天下由是大與權貴迂翻陷以不舉劾之罪罷知新

州未半道責海州團練副使黃州安置三年得自便欽宗立以集英殿修撰起知潭州未行以兵部侍郎召在道除中丞進禮部尚書擢右丞中書侍郎議遣大臣制兩河與金耿南仲以老聶昌以親辭過庭曰主憂臣辱願効死帝爲揮涕歎息固遣南仲昌及城陷過庭亦以金人拘之軍中因畱不得還建炎四年卒於燕山年六十贈開府儀同三司諡忠肅

陳邁

按宋史陳邁傳邁字亨伯其先自江寧徙永州登進士第知辛縣爲治有績魏尹蔣之奇馮京許將交薦之知雍丘縣徽宗將以爲御史而遭父祐甫憂畢喪爲廣西轉運判官蔡京啓蠻獠地建平從允三州邁言輕擾以兆釁不可京惡之以他事罷歸旋知商州興元府入爲駕部金部員外郎張商英得政用爲左司員外郎俄罷給事中會商英免相蔡巖擬封駁力沮止之邁懼請外以直祕閣爲河北轉運使加直龍圖閣徙陝西召還京師而蔡京復相再使河北徙淮南帝將易置發運使命邁詣道計臣有閹閹者執政以邁言京曰職卑不可用帝曰可除集英殿修撰使往京乃不敢言遂爲副使未幾升爲使朝廷方督綱餉運渠壅澀邁使決呂城陳公兩塘達於渠漕路南通而朱勗花石綱塞道官舟不得行邁捕繫其人而上章自劾帝爲默動人進邁徽猷閣待制宣和二年冬方臘亂詔加龍圖閣直學士經制七路又進學士徙河北都轉運使進延康殿學士歷知中山眞定河間府欽宗立加資政殿學士積官至光祿大夫復爲眞定又徙中山金人再至邁冒圍入城堅壁拒守詔

康王領天下大元帥命遵為兵馬元帥受園半年外無援師京都既陷制兩河求和遣弟光祿卿適至中山臨城諭旨遵遙語之曰主辱臣死吾兄弟平居以名義自處寧當賣國家為囚奴乎遵呼總管使盡括城中兵擊賊總管辭遂斬以徇又呼步將沙振往振素有勇名亦固辭遵固遣之振怒且懼潛束刃入府遵妾定奴責其輒入振立殺之遂害遵於堂及其子錫并僕妾十七人長子鉅以官淮南獲免振出帳下卒執而梓裂之城中無主乃開門出降金人入見其屍曰南朝忠臣也斂而葬諸鐵柱寺建炎初贈特進

陳適

按宋史陳邁傳邁弟適由開封少尹衛尉少卿至光祿卿金人執之以北後十年死於雲中

陳康伯

按宋史陳康伯傳康伯字長卿信之弋陽人父亨仲提舉江東常平康伯幼有學行宣和三年中上舍丙科累遷太學正丁內艱貴溪盜將及其鄉康伯起義丁逆擊俘其渠魁已得全建炎末為勅令刪定官預修紹興勅令尋通判衢州攝郡事盜發白馬原康伯督州兵進討克之除太常博士改提舉江東常平茶鹽高宗進蹕建康康伯以職事過闕得對因請擇將上開納紹興八年除樞密院大計議官累遷戶部司勳郎中康伯與秦檜太學有舊檜當國康伯在郎省五年泊然無求十三年始遷軍器監借吏部尚書使金後金使至詔康伯館伴端午賜扇帕與論拜受禮言者以生事論罷知泉州秩滿三奉祠垂十年檜死起知漢州將出峽召對除吏部侍郎尋兼禮戶部乞

約歲用兼刑部前此有司希檜意與大獄康伯平讞直冤士大夫存歿多賴之除吏部尚書尋拜參知政事自孫道夫使北還已聞金以買馬非約為言朝廷特和康伯與同知樞密院事王綸白發其端綸使還乃言和好無他康伯持初論不變九月以通政大夫守尚書右僕射同中書門下平章事例賜銀絹康伯固辭減半又辭兼史院又命與湯思退輔政事勿憚商論惟其當而已昔安郡王居潛藩高宗一日謂康伯當以使相封真王今宜冠以屬籍於是詔以為皇子封建王實三十年二月也明年三月拜光祿大夫尚書左僕射孝宗即位命兼樞密使進封信國公明年以太保觀文殿大學士福國公判信州辭丐外祠除醴泉觀使二年八月起判紹興府且令赴闕奏事復辭未幾召陪郊祀時北兵再犯淮甸人情驚駭皆望康伯復相上出手札遣使即家居召之未出里門拜尚書左僕射同中書平章事兼樞密使進封魯國公敵師退尋以目疾免朝謁臥家旬餘一奏事乾道元年正月上辛有事南郊康伯起陪祀已即丐歸章屢上不許一日出殿門喘劇與至第薨年六十有九贈太師諡文恭二子偉節除直秘閣安節賜同進士出身慶元初配享孝宗廟庭改諡文正

陳叔懷

按宣和書譜陳叔懷不載於史作行書筆畫圓整其論梅發一帖字雖嫵媚而中藏勁氣

陳閔

按盛朝名畫錄陳閔會稽人也善寫真及書名物山水

陳康年
按泉州府志康年字季昌晉江人政和壬辰舍選知海陽潮陽二縣捐俸以貸通賦運私穀賑飢民當路交薦通判潮州攝州事黎寇犯境嚴備御之歷官二紀公廉如一日云

陳公輔

按宋史陳公輔傳公輔字國佐台州臨海人政和三年上舍及第調平江府教授朱勔方嬖倖當官者奴事之公輔絕不與交勔不悅諷權要移公輔越州累遷權應天府少尹除秘書郎徽宗渡江未還人情疑懼公輔力陳父子之義宜遣大臣迎奉欽宗嘉之擢為右司諫論蔡京朱勔罪惡時有指公輔為李綱之黨鼓唱士庶伏闕者公輔自列因辭位後陳三事語觸時宰遂得罪斥監合州稅高宗即位召還除尚書左司員外郎明年始達維揚初李綱得政公輔自外除郎未至而綱罷改南劍州尋予官觀紹興六年召為吏部員外郎復授左司諫公輔感帝知遇益罄忠饒還尚書禮部侍郎會趙鼎言進退人才乃其職分疏稍侵公輔因力請祠除集英殿修撰提舉江州太平觀尋知處州升徽猷閣待制仍提舉太平觀卒年六十六贈大中大夫

陳與義

按宋史陳與義傳與義字去非其先居京兆自曾祖希亮始遷洛故為洛人與義天資卓偉為兒時已能作文致名譽流輩敏莊莫敢與抗登政和三年上舍甲科授開德府教授累遷太學博士權擢寶郎尋謫監陳畱酒稅及金人入汴高宗南遷避亂嶺嶠久之

召爲兵部員外郎紹興元年夏至行在選中書舍人兼掌內制拜吏部侍郎尋以徹飲闕直學士知湖州召爲給事中駁議詳雅又以顯謨閣直學士提舉江州太平觀被召會宰相有不樂與義者復用爲中書舍人直學士院六年九月高宗如平江十一月拜翰林學士知制誥七年正月參知政事時丞相趙鼎言人多謂中原有可圖之勢宜便進兵恐他時咎今日之失機上曰今梓宮與太后淵聖皆未還若不與金議和則無可還之理與義曰若和議成豈不賢於用兵萬一無成則用兵必不免上曰然三月從帝如建康明年扈蹕還臨安以疾請復以資政殿學士知湖州陸辭帝勞問甚渥遂請開提舉臨安洞霄宮十一月卒與義容狀儼恪不妄言笑其薦士於朝退未嘗以語人長於詩體物寓興清遒紆餘高舉橫厲上下陶謝韋柳之間

陳桷

按宋史陳桷傳桷字季溫州平陽人以上舍貢辟雍政和二年廷對第三授文林郎冀州兵曹參軍累遷尚書虞部員外郎政和七年提點福建路刑獄建炎四年五月復除福建路提刑以疾乞祠主管江州太平觀紹興三年召爲金部員外郎升郎中除太常少卿五年除直龍圖閣知泉州明年改兩浙西路提刑八年遷福建路轉運副使十年復召爲太常少卿十一年除權禮部侍郎普安郡王出閣奉詔討論典故桷等議厚其禮或以爲太重罷桷提舉江州太平觀十五年知襄陽府充京西南路安撫使以疾乞祠除祕閣修撰提舉江州太平興國宮二十四年改知

廣州充廣南東路經略安撫使卒年六十四桷恬於榮利當秦檜用事桷以不阿忤意自號無相居士有文集十六卷子汝楫汝賢汝諸

陳堯

按宋史陳堯傳堯字德應紹興與餘姚人登政和上舍第教授寧州以母老改台州士曹治獄平允更攝天台臨海黃巖三邑易越州新昌令皆以愷悌稱紹興二年召對除監察御史論事不合除江西運判以母年高移知台州母喪終以司勳郎中召累遷權刑部侍郎時秦檜主和議堯因力請去未幾除徽猷閣待制知穎昌府改處州又改廣州屢上章告老改婺州遂致仕卒於家堯博學剛介不事產業先世田廬悉推予兄弟王十朋爲風土賦論會稽人物曰杜祁公之後有陳德應云

陳可大

按尚友錄可大字齊賢仙遊人父汝器喜積善一夕飛錢滿其室祝曰願一子光顯門閭乞錢減半可大政和中登科調漳州工曹兼右推後知肇慶府民不能欺去郡之日唯衣衾書藉而已官終朝請大夫

陳膏

按宋史陳居仁傳居仁父太府少卿膏娶明州汪氏女因家焉膏初爲汾州教授佐守臣張克戡捍金人後知惠州軍馬造會哀壘壁曉降之鄣僧王法恩謀逆事覺或請屠城膏方爲御史力論多殺非聖世事脅從者悉寬宥之

陳宗

按宋史陳宗傳宗末嘉人年十六母蔡病篤割股爲

餌病愈已而復病不救宗一慟而絕郡守陸德與云陳宗自毀其體哀慟傷生雖非孝道之正而能爲人所難爲之事亦天性之至官爲合葬榜曰陳孝子墓

陳皓

按萬姓統譜皓字彥章個儻有大志負武略弱冠爲邑尉都部靖康初金人犯順慨然集義兵勸王建炎末寇陷寧都石城皓不肯降潛從長汀募兵數千人與子敏死戰賊退捷聞借補承信郎子敏武義大夫

陳求道

按宋史陳求道傳求道字得之咸寧人登進士第靖康間判都水監及朝議二帝出郊請和求道力爭之不聽欽宗知康王兵衆求道請以元帥加之蕭蠟書者八人皆遇害惟求道所薦劉定致書而還金人立張邦昌下令在京官不朝者死求道稱疾不往嘔血累日開封尹親以邦昌命召之竟不能屈建炎四年命爲襄鄧隨鄧鎮撫以奏兵食不給待命未行自咸寧挈家就食嘉魚值亂兵起過之蒲圻寓龍堂僧寺未久招撫劉忠叛一夕數千人麇至驅求道家還嘉魚至茗山逆旅具酒食奉求道爲主將南走湖湘求道正色厲辭賊怒殺求道妻蔡及二子符佺必欲從己求道罵愈厲賊斫其口拔出舌斷之獨符子凱竄山谷得免賊退始得求道屍瘞於輿阪

陳規

按宋史陳規傳規字元則密州安丘人申明法科靖康末金人入侵犯鎮海軍節度使劉延慶其徒祝進王在去爲盜犯隨鄆復等州規爲安陸令以勤王兵赴汴至蔡州道梗而還會祝進攻德安府守棄城遁

父老請規攝守事規連戰敗之建炎元年除直龍圖閣知德安府李孝義張世以步騎數萬薄城陽稱受詔招規登城視其營壘曰此詐也亟爲備夜半孝義兵圍城遂大敗之與羣盜楊進相持十八日進技窮以百人自衛抵濠上求和規出城與交臂語進感之折箭爲誓而去董平引衆窺城大破之升祕閣修撰尋除德安府復州漢陽軍鎮撫使賜三品服俄升徽猷閣待制李橫圍城造天橋填濠鼓譟臨城規帥軍民禦之砲傷足神色不變圍急糧盡出家財勞軍士氣益振會濠橋陷規以六十人持火槍自西門出焚天橋以火牛助之須臾皆盡橫拔砮去升徽猷閣直學士詔赴行在改顯謨閣直學士徙知池州沿江安撫使遷龍圖閣直學士改知廬州尋又召赴行在以疾辭提舉江州太平觀復起知德安府坐失察吏職鐫兩官金人歸河南地改知順昌府葺城壁招流亡立保伍會劉錡領兵赴京畱守過郡境規出迎坐未定傳金人已入京城卽告錡城中有粟數萬斛勉同爲死守計相與登城區畫分命諸將守四門且明斥候募土人鄉導間謀布設粗畢金遊騎已薄城矣既至規躬擐甲胄與錡巡城督戰用神臂弓射之稍引退復以步兵邀擊溺於河者甚衆金人告急於兀朮兀朮自將鐵浮屠軍三千遊擊規與錡行城勉激諸將軍殊死鬪斬獲無算兀朮宵遁錡奏功詔褒諭之遷樞密直學士規至順昌卽廣糴粟麥實倉廩會計議司移粟赴河上移知廬州兼淮西安撫既至疾作有旨修郡城規在告吏抱文書入臥內規力疾起語畢而卒年七十贈右正議大夫有攻守方略傳於世

規端毅寡言笑然待人和易以忠義自許尤好振施家無贏財乾道八年追封忠利侯後加封智敏

陳興

按宋史李誠之傳金人陷蘄州小將陳興闔死

陳道周

按尚友錄道周湘潭人少孤貧奉母至孝母歿廬墓自陶甓墓墓成而道周已鄉人立碑表之

欽定古今圖書集成明倫彙編氏族典

第一百二十三卷目錄

陳姓部列傳七

宋三

陳目仁

陳吉老

陳仲敏

陳一新

陳之淵

陳淵

陳昭度

陳康延

陳璟

陳豐

陳燾

陳嶠

陳亨祖

陳良祐

陳剛中

陳景肅

陳謙

陳模

陳表臣

陳亨運

陳孔碩

陳宗名

陳自強

陳東

陳仲剛

陳希造

陳之茂

陳敏

陳良翰

陳俊卿

陳太素

陳鵬飛

陳天麟

陳敏修

陳居仁

陳駭

陳公緒

陳至道

陳謙

陳研

陳梓

陳士楚

陳咸

陳世卿

陳亮

陳源

陳舜申

陳宋輔

陳鎮

陳震

陳卓

陳之純

陳駿

陳峴

陳貴誼

陳經人安福

陳之經

陳嘉言

陳垣

陳力修

陳埴

陳如晦

陳必

陳霖

陳應辰

陳煒

陳自仁

宋三

陳姓部列傳七

氏族典第一百二十三卷

按宋史趙士隆傳秦悼王五世孫訓之建炎三年知

吉州永豐縣孟太后避地虔州護衛統制杜彥與其

麾下叛將犯未豐訓之與尉陳自仁簡兵分爲二

取問道遶賊後一據地利匿其精兵以誘賊賊至伏

發殲其衆會賊別校繼至官兵未成列訓之率數十

陳德豫

陳光祖

陳經人龍溪

陳傳良

陳伯震

陳大年

陳嗣光

陳模

陳聘

陳仲微

陳韓

陳淳

陳範

陳煥

陳文蔚

陳起宗

陳應辰

陳煒

陳自仁

宋三

陳姓部列傳七

氏族典第一百二十三卷

按宋史陳東傳東字少陽鎮江丹陽人蚤有雋聲倣

儻負氣以貢入太學金人迫京師李邦彥議與金和

李綱及种師道主戰邦彥因小失利罷綱而割三鎮

東率諸生伏宣德門上書從者數萬喧呼震地於是

亟詔綱入復領行營金人既解去議補東官賜第除

太學錄東力辭官以歸既歸復預鄉薦高宗即位五

日相李綱又五日召東至未得對會綱去乃上書乞

畱綱而罷黃潛善汪伯彥不報會布衣歐陽澈亦上

書言事潛善遽以語激怒高宗言不亟誅將復鼓衆

伏闕乃與澈同斬於市東初未識綱特以國故至爲

之死識與不識皆爲流涕時年四十有二越三年追

贈東承事郎東無子官有服親一人駕過鎮江遣守

臣祭東墓紹興四年加朝奉郎祔閣修撰

陳吉老

按僊遊縣志吉老字子州先世許州人吉老以父任

補官少通春秋三傳學孫吳兵法紹興初金人寇淮

汀贛羣盜竊發辟吉老清流丞贛寇侵掠郡境吉老

整衆大破之後以胡保鍾花之寇長子希造先登死

焉吉老忍痛悉衆長驅竟殲其黨陞本州別駕召除

京東提刑收復宿亳徐海四州尋除揚州安撫使吉

老至嚴關渡之禁創策應之法大修州城捐俸以助

又遣仲子希錫取延陵私租千緡市汀布以爲軍裝

時韓世忠守楚州吉老奏乞命世忠來相其役詔從

之不數月而事集時秦檜當國力主和議吉老累疏

輩拒戰厲聲罵賊與自仁俱被害事聞詔贈自仁通直郎官其子

陳東

按宋史陳東傳東字少陽鎮江丹陽人蚤有雋聲倣

儻負氣以貢入太學金人迫京師李邦彥議與金和

李綱及种師道主戰邦彥因小失利罷綱而割三鎮

東率諸生伏宣德門上書從者數萬喧呼震地於是

亟詔綱入復領行營金人既解去議補東官賜第除

太學錄東力辭官以歸既歸復預鄉薦高宗即位五

日相李綱又五日召東至未得對會綱去乃上書乞

畱綱而罷黃潛善汪伯彥不報會布衣歐陽澈亦上

書言事潛善遽以語激怒高宗言不亟誅將復鼓衆

伏闕乃與澈同斬於市東初未識綱特以國故至爲

之死識與不識皆爲流涕時年四十有二越三年追

贈東承事郎東無子官有服親一人駕過鎮江遣守

臣祭東墓紹興四年加朝奉郎祔閣修撰

陳吉老

按僊遊縣志吉老字子州先世許州人吉老以父任

補官少通春秋三傳學孫吳兵法紹興初金人寇淮

汀贛羣盜竊發辟吉老清流丞贛寇侵掠郡境吉老

整衆大破之後以胡保鍾花之寇長子希造先登死

焉吉老忍痛悉衆長驅竟殲其黨陞本州別駕召除

京東提刑收復宿亳徐海四州尋除揚州安撫使吉

老至嚴關渡之禁創策應之法大修州城捐俸以助

又遣仲子希錫取延陵私租千緡市汀布以爲軍裝

時韓世忠守楚州吉老奏乞命世忠來相其役詔從

之不數月而事集時秦檜當國力主和議吉老累疏

爭辯乞罷斥奸檜未幾卒於官高宗聞之嘆息不已累贈中散大夫

陳仲剛

按莆田縣志仲剛泮之長子也建炎時金王善擁兵十萬長驅兩河襲恩州泮與仲剛拒戰賊飛刃及泮仲剛以身蔽刃死之

陳仲敏

按莆田縣志仲敏泮之從子也金人侵采石泮援建康軍潰仲敏死之

陳希造

按僊遊縣志希造字賢御以父吉老廢補官賊陷忘口希造年十六被繫至北庭令其牧馬一日北師南向希造擇平時所謂御最良馬乘以歸父益奇之每目爲定亂器調揚州錄參紹興初待父官臨汀每戰必居先鋒屢奏凱捷明年賊又入寇希造乘勝而前策應不至戰沒于義竿口朝廷稱其忠節特贈承事郎累贈奉直大夫

陳一新

按泉州府志一新字又之末春人登紹興元年進士條對剴切爲時所稱教授汀州慶元四年較藝漕闕發策激韓侂胄怒將以爲罪侍臣力救得免遷國子博士輪對深論權倖以劾免通判婺州知邵武軍以廉平稱卒於官

陳之茂

按無錫縣志之茂字卓卿紹興二年張九成榜進士廷對忤權臣黜之九成叩頭殿廷曰臣之學不如之茂之茂能言人之所不敢言宜獎不宜黜上覽對悚

然賜之茂同進士出身除休寧尉遷祕書郎歷知平江府直顯謨閣再知建康隆興中以丞相洪适薦擢吏部侍郎兼中書舍人直學士院終

陳之淵

按無錫縣志之淵字宗卿與兄之茂同入太學時號二陳復同舉紹興二年進士終祕書閣修撰知宣州

陳敏

按宋史陳敏傳敏字元功贛之石城人父皓有才武建炎末以破贛賊李仁功補官至承信郎敏精騎射積官至忠靖郎以楊存忠薦權閤門祇候累功授右武大夫封武功縣男領興州刺史召赴闕高宗見其狀貌魁岸除破敵軍統制陞馬司統制孝宗即位張浚宣撫江淮奏敏爲神勁軍統制改都督府武鋒軍都統制金人議和成高郵兼知軍事乾道元年遷宣州觀察使召除主管侍衛步軍司公事居歲餘除光州觀察使分武鋒爲四軍升敏爲都統制兼知高郵軍事四年召敏爲左驍衛上將軍再出守高郵移守楚州以歸正人二百家逃歸降授忠州團練使罷爲福建路總管改江西路總管俄提舉佑神觀仍奉朝請繼復斬州防禦使再除武鋒軍都統制兼知楚州復光州觀察使以疾卒特贈慶遠軍承宣使

陳淵

按宋史陳淵傳淵字知默南劍州沙縣人也紹興五年給事中廖剛中書舍人胡寅朱震權戶部侍郎張致遠言淵乃瑾之諸孫有文有學負材未試充樞密院編修官會李綱以前宰相爲江南西路安撫制置大使辟爲制置司機宜文字七年詔侍從舉直言極

諫之士胡安國以淵應召對改官賜進士出身九年除監察御史尋遷右正言鄭億年復資政殿學士奉朝請淵言億年有從賊之醜乞寢其職名不報億年右僕射秦檜之親黨也由是檜怒之除祕書少監兼崇政殿說書以祖名辭改宗正少卿以何鑄論罷主管台州崇道觀十五年卒

陳良翰

按宋史陳良翰傳良翰字邦彥台州臨海人蚤孤事母孝資莊重爲文恢博有氣中紹興五年進士第知温州瑞安縣俗號強梗吏治尚嚴良翰獨撫以寬催租民競樂輸聽訟咸得其情殿中侍御史吳芾薦爲檢法官遷監察御史孝宗初元金主襲新立求和良翰言定計自治而和不和任之乃可除右正言金再移書求故疆良翰言中原皆吾故土况唐鄧淮泗是要害之地決不可許正言尹穡附思退以撼督府良翰爲左司諫疏論思退姦邪誤國宜早罷黜張浚精忠老謀不宜以小人言搖之既退以上語論同列稽勃然變色明日亦請對遂罷良翰言職兩淮既撤備金大入孝宗始深悔太學生數百人伏闕乞召用良翰良翰在諫省成恭皇后受冊官內外親屬二十五人良翰論其冗詔減七人知建寧府福建轉運副使提點江東刑獄移浙西召爲宗正少卿兵部侍郎除右諫議大夫改禮部侍郎不拜以數文閣侍制提舉江州太平興國宮召爲太子詹事詔兼侍講未幾以疾告老除敷文閣直學士提舉太平宮卒年六十五光宗立特諡獻肅

陳昭度

按萬姓統譜昭度字元矩莆田人少穎異不羣擢紹興五年進士第為尤溪主簿部使者移檄令据撫屬吏細過昭度撫然不悅曰吾其忍為是耶乃拂衣而去間居以讀書著文為樂十餘年不調自號西軒子鄉大夫林迪與為忘年交艾軒林光朝正字劉夙方著著作劉夙皆嘗至其家登堂拜母誼均兄弟既而教授藤州藤去中州絕遠俗尚卑陋昭度至勵以致知謹獨之學由是士競於學知所歸節

陳俊卿

按宋史陳俊卿傳俊卿字應求興化人幼莊重不妄言笑父死執喪如成人紹興八年登進士第授泉州觀察推官服勤執業秩滿秦檜當國察其不附己以為南外睦宗院教授尋添通判南劍州未上而檜死乃以校書郎召孝宗時為普安郡王高宗命擇端厚靜重者輔導之除著作佐郎兼王府教授講經輒寓規戒王敬納之累遷監察御史殿中侍御史除權兵部侍郎金主亮渡淮俊卿受詔整浙西水軍李實因之遂有膠西之捷亮死詔俊卿治淮東堡砦屯田所過安輯流亡孝宗受禪遷中書舍人時孝宗志在興復以俊卿忠義沈靖有謀以本職充江淮宣撫判官兼權建康府事隆興初元建都督府俊卿除禮部侍郎參贊軍事張浚初謀大舉北伐俊卿以為未可會謀報敵聚糧邊地乃出師已而卻宏淵兵潰俊卿退保揚州主和議者幸其敗橫議搖之浚上疏待罪俊卿亦乞從坐詔貶兩秩諫臣尹穡附思退議罷浚都督俊卿奏使浚自効疏再上上悟即命浚都督且召為相卒為思退穡所擠遣視師江淮俊卿累章請罪

以資文閣待制知泉州請祠提舉太平興國宮恩退既竄太學諸生伏闕下乞召俊卿乾道元年除吏部侍郎錢端禮起戚里為參政親相位甚急館閣之士上疏斥之端禮遣客密告俊卿已即相當引其政深拒不聽端禮憾之知建康府逾年授吏部尚書受詔館金使遂拜同知樞密院參知政事四年十月制授尚書右僕射同中書門下平章事兼樞密使俊卿以用人為己任獎廉退抑奔競虞允文宣撫四川俊卿薦其才堪相五年正月上召允文為右相俊卿為左相允文建議遣使金以陵寢為請俊卿面陳復手疏以為未可吏部尚書汪應辰與允文議事不合去俊卿數奏應辰剛毅正直可為執政上初然之後竟出應辰守平江俊卿亦數求去明年允文復申陵寢之議上手札諭俊卿俊卿即杜門請去以觀文殿大學士帥福州政尚寬厚嚴於治盜海道晏清以功進秩明年請祠提舉洞霄宮歸第弊屋數楹怡然不介意淳熙二年再命知福州累章告歸除特進起判建康府兼江東安撫建康父老喜其再來除少保判建康府如故八上章告老以少師魏國公致仕十三年十一月薨年七十四贈太保

陳東延

按廣東通志康延字元舉南海人力學自奮紹興進士初調潭津再調龍川錄事三任學官兩歷邑令淳熙間適康延改秩入京朝廷議催二廣鹽丞相梁克家與康延厚召赴都堂令分司蒼梧康延力辭權知海州至郡訪民利病知境內有贛商之擾嚴保伍法賊不敢犯民賴以安官至朝散大夫

陳太素

按萬姓統譜太素字仲華河南緱氏人舉進士累官大理少卿能推原人情以傳法意每臨牘至忘寢食歷知兗明二州有治績官至兵部郎中

陳璟

按福州府志璟字景玉連江人補太學生紹興間故相張浚都督江淮有重名湯思退忌之詆罷其兵柄璟獨慨然不平詣闕上書思退等罷璟負氣磊落後覃恩授貴州文學

陳鵬飛

按萬姓統譜鵬飛字少南永嘉人紹興進士其學不為章句新說必本人倫正論而趨于深厚兩舉于鄉俱第一登進士為崇政殿說書以講春秋忤秦檜謫惠州

陳豐

按萬姓統譜豐字宜中仙遊人驥之子紹興中第進士初為泉州教授以陳康伯薦名為太學博士孝宗初立召監司各舉循吏二人豐居首除知南恩州清儉無擾歲早祈雨有願俾微臣特損數年之壽乞令合境普沾三日之霖等語雨果大至

陳天麟

按宣城縣志天麟字季陵幼警悟日誦數千言紹興戊辰擢進士第調廣德簿除太平教授未幾以國子正召遷太學博士累官集賢殿修撰由饒州改知襄陽修治樓堞募忠義軍朝旨嘉獎改知贛州時茶商寇贛吉間乃預為守備民恃以安未幾罷復集英殿修撰卒天麟晚益苦學者有易三傳西漢南北史左

氏綴節梅許昌公年譜詩三十餘篇號櫻寧居士集子五人木禾稿格植

陳燾

按尚友錄燾電白人瞽目十年紹興間母死將葬燾欲扶柩至壙人或止之燾曰母生我今日視入土燾忍以疾辭執紼一二里雙目頓開人皆異之

陳敏修

按尚友錄敏修號市隱居士紹興中進士第二人王音云卿便是陳敏修年幾何對曰七十三問有幾子對曰未娶乃出內人施氏嫁之年三十貧甚厚時人語曰新人若問郎年紀五十年前二十三

陳嶠

按尚友錄嶠字景山年近六十方及第有儒家以女妻之合昏夕作詩云彭祖尚聞年八百陳郎猶是小孩兒

陳居仁

按宋史陳居仁傳居仁字安行興化軍人父太府少卿膏娶明州汪氏女因家焉居仁年十四而孤以廕授銓山尉紹興二十一年舉進士秦檜與膏有故有勸以一見可得美官居仁終不自通移未豐令入監行在點檢贍軍激賞酒庫所羅場詔修高宗聖政充檢討官淮甸交兵魏杞以宗正少卿使金辟居仁幕下因出疆賞轉承議郎徙主軍器監簿宗正修玉牒遷將作監丞轉國子丞九年進祕書丞入對帝嘉納權禮部郎官請外乃知徽州入對畱爲戶部右曹郎官命未下特轉朝議大夫兼權度支又兼權禮部會樞屬關員卽授樞密院檢詳文字尋爲右司遷左司

又遷檢正中書門下省諸房公事歷兼左藏諸庫假吏部尚書使金還遷起居郎尋兼詳定一司敕令兼權中書舍人權直學士院以集英殿修撰知鄂州進煥章閣待制移建寧府鎮江大旱又移居仁守鎮江加寶文閣待制知福州再進華文閣直學士提舉太平興國宮卒贈金紫光祿大夫有奏議制藥詩文行世

陳亨祖

按宋史陳亨祖傳亨祖者淮南大豪也紹興末官軍已復蔡州亨祖遂領民兵據淮寧執金知州完顏耶魯以其城來歸命爲武翼大夫忠州刺史知海寧府金兵攻城亨祖力戰死之舉家五十餘人皆死贈客州觀察使立廟光州賜額閔忠

陳騭

按宋史陳騭傳騭字叔進台州臨海人紹興二十四年試春官第一秦檜當國以秦墳居其上累官遷將作少監守祕書少監兼太子諭德出知贛州易秀州召還再歸故官遷祕書監兼崇政殿說書淳熙五年試中書舍人兼侍講同修國史上欲采晉宋以下興亡理亂之大端約爲一書謂騭曰惟卿與周必大可任此事言者忌而攻之上書章不下授提舉太平興國宮起知寧國府改知太平州加集英殿修撰以言者罷起知袁州光宗受禪召試吏部侍郎紹熙元年同知貢舉兼侍講二年春雪雷詔陳時政得失騭疏三十條皆切於時病三年三月權禮部尚書六月同知樞密院事四年二月參知政事寧宗卽位知樞密院事兼參知政事趙汝愚爲右丞相騭素所不快未

嘗同堂語時韓侂胄竊國柄吏部侍郎彭龜年論侂胄將爲國患不報於是龜年侂胄俱請祠騭曰以閣門去經筵何以示天下龜年竟外補侂胄語人曰彭侍郎不貪好官固也元樞亦欲爲好人耶遂以資政殿大學士與郡辭詔提舉洞霄宮慶元二年知婺州告老授觀文殿學士提舉洞霄宮嘉泰二年卒年七十六贈少傅諡文簡

陳良祐

按宋史陳良祐傳良祐字天與婺州金華人年十九預鄉薦間歲入太學紹興二十四年擢進士第有薦於朝者召除太學錄樞密院編修官中丞汪澈薦除監察御史累遷軍器監兼鄧王府直講隆興元年出爲福建路轉運副使乾道三年除起居舍人兼權中書舍人遷起居郎尋除右司諫首言會子之弊上慨然發內府金數萬兩收換會子軍民翕然遷右諫議大夫兼侍講同知貢舉除給事中兼直學士院遷吏部侍郎尋除尚書時議遣使使請地良祐奏內視不足何暇事外通者未懷豈能緩遠奏入忤旨貶瑞州居住尋移信州九年許令自便淳熙四年起知徽州尋除敷文閣待制知建寧府卒

陳公緒

按宋史列女傳劉氏適同里陳公緒紹興末金人犯山東公緒倡義來歸偶劉歸寧不得偕惟挈其子庚以行後子庚長迎母歸

陳剛中

按尚友錄剛中字彥深候官人性慷慨敢論事胡銍以劾秦檜貶韶州剛中啓曰知無不言願借上方之

劍不遇故去聊乘下澤之車檣怒遂與張九成同謫客死貧不能葬士論惜之

陳至道

按尚友錄至道字元和號野雲崇高節至孝義親不仕親歿終身初度閉門杜客必躬酌松楸戀盡日不能返以詩鳴後隱香嶺得道上昇為冲和大仙人號詩仙

陳景肅

按詔安縣志景肅字和仲將軍元光裔孫也嘗同秦梓奉使燕及梓歸表為祈請使不拜登紹興進士令僊遊旌孝義勦宿盜多美政後提舉湖南知南恩州有詔入知制誥以秦檜故不拜檜死議均役復知制誥致仕已八十餘矣南恩叛服不常擇使宣慰朝議非景肅不可乃持節往嶺南以平卒贈光祿大夫資政殿大學士諡廉獻

陳謙

按萬姓統譜謙字正仲豐之子隆興初第進士慶元中為殿中侍御史久之坐論事忤陳自強意從太常少卿補外召為兵部侍郎開禧中貽書權臣極陳用兵利害不見聽除敷文閣待制奉祠謙問學該貫文章不為險語而雅有典則工書法大字尤精自少至老士林推重

陳謙

按宋史陳謙傳謙字益之溫州永嘉人乾道八年進士授福州戶曹主管刑工部架閣文字遷國子錄敕令所刪修官樞密院編修官陳中興五事孝宗內禪通判江州知常州提舉湖北常平辰州峒峯加直

煥章閣除戶部郎中總領湖廣財賦謙乃丞相趙汝愚客會黨論起坐斥後數年起為提點成都府路刑獄移京西運判復直煥章閣韓侂胄謀援金人令獻馬者補官七州民相扇為盜謙移書侂胄既而屢論襄帥皇甫斌李奕罪且求罷遷司農少卿湖廣總領除宣撫司參謀官金兵深入武昌震懼謙以寶謨閣待制副宣撫即日置司北岸命士豪趙觀履之中流士馬溺死甚衆未幾奪職後復知江州侂胄死和議已決謙復罷奉祠卒年七十三謙有雋聲早為善類所孚晚坐偽禁中廢首稱侂胄為我王士繇是薄之

陳研

按泉州府志研字叔幾乾道二年進士官臨河以忤去提點湖南刑獄徙計度轉運使屬州故有鐵纜錢隸焉民病之研悉去遷起居郎卒

陳樸

按泉州府志樸字端行乾道三年進士為江西運司主管文字以薦入提轄左藏大理寺正知漳州擢浮費五萬為民代輸身丁提舉湖北常平召除倉部權太常卿除知廣州兼廣東安撫子亞卿直卿弟机模

陳梓

按甌寧縣志梓字處恭注荔浦尉易廣州司理轉丞贛李元礪叛洞獠因之懷反側州擇屬慰撫梓深入洞中與其長詣州州官欲殺之力爭不得棄官去諸臺勉回洞長後有事於洞洞獠拒曰必得陳丞乃可辟令信豐知寧化通判南雄以薦知南恩江寇竊發移鎮南安皆相戒不敢犯陞本路漕使就領安撫司事年穀不登力講荒政誘致米商漕計充斥積官

朝請大夫

陳表臣

按福州府志表臣字正甫末福人乾道中擢武舉知宜州以循良稱時經略張玠欲誣殺無辜邀功希賞表臣獨執不可得釋者韋文仲等凡六十四名

陳士楚

按萬姓統譜士楚字英仲莆田人早從林光朝遊乾道中登第淳熙末召為國子監簿光宗立除司封郎兼嘉王府直講寧宗朝歷起居舍人明年除侍講嘗講周書無逸篇喻小人在朝君子在野之意上嘉納之

陳亨運

按萬姓統譜亨運字俊民仙遊人父母繼沒廬墓三年常倚墓木而哭木為之枯乾道間詔舉孝廉縣令以亨運應詔亨運堅辭不起令乃餽粟帛以旌其孝

陳咸

按宋史陳咸傳咸字逢儒監察御史升卿次子為叔父巨卿後登淳熙二年進士第調內江縣尉改知果州南充縣轉運司辟主管文字擢知資州政以最聞改知普州開禧元年邊事興四川宣撫使程松奇其才辟主管機宜文字遷利路轉運判官吳曦叛臣于金以咸蜀名士欲首脅之咸至后整入帳中以刀自斷其結披緇而出乃得釋歸職既誅上表自劾安丙尋奏以咸總蜀賦從之召為司農少卿卒丙列奏其功賜諡勤節

陳孔碩

按福州府志孔碩字膚仲候官人祖禧父衡皆為文

公所推重孔碩少刻志學古以聖賢自期嘗從張南軒呂東萊遊後復偕其兄孔夙師事文公于武夷淳熙初登進士第歷處州教授邵武瑞金知縣淮東廣西提舉常平終祕閣修撰以數忤史彌遠不容歸杜門著書有中庸大學解北山集行于世學者稱北山先生

陳世卿

按延平府志世卿字光遠沙縣人登淳熙二年進士第授衢州推官調東川節度推官會李順寇兩川州守張雍分州兵馬為數部使官領之世卿素善射當城一面親射中數百人賊既去雍表其材詔改掌書記凡七年歸朝為祕書郎張鑑出知廣州表為通判召見賜緋加太常博士徙知建州帝知其才幹授福建轉運使改度支員外郎出為荆湖北路轉運使蠻人侵境世卿領兵討之授祕書少監知廣州加賜金紫九年卒詔贈吏部尚書錄其子

陳宗名

按福清縣志宗名字景陽登淳熙乙未進士復中博學宏詞科仕至中奉大夫工部尚書翰林學士以詩文名

陳亮

按宋史陳亮傳亮字同父婺州永康人生而目光有芒為人才氣超邁喜談兵論議風生下筆數千言立就嘗攷古人用兵成敗之跡著酌古論郡守周葵得之相與論難奇之曰他日國士也請為上客及葵為執政朝士白事必指令亮因得交一時豪俊盡其議論因授以中庸大學曰讀此可精性命之說遂受

而盡心焉隆興初與金人約和天下忻然幸得蘇息獨亮持不可婺州方以解頭薦為因上中興五論奏入不報已而退修於家學者多歸之益力學著書者十年淳熙五年亮更名同詣闕上書孝宗赫然震動用種放故事召令上殿將擢用之會觀以其不詣已不悅大臣尤惡其直言無諱交沮之乃有都堂審察之命宰相臨以上旨問所欲言皆落落不少貶又不合待命十日再詣闕上書書既上帝欲官之亮笑曰吾欲為社稷開數百年之基寧用以博一官乎亟渡江而歸日落魄醉酒與邑之狂士飲醉中戲為大言言涉犯上一士欲中亮以其事首刑部侍郎何澹誣為不軌事聞孝宗知為亮嘗陰遣左右廉知其事及奏入取旨帝曰秀才醉後妄言何罪之有劃其牘於地亮遂得免歸家益厲志讀書所學益博其學自孟子後惟推王通嘗曰研窮義理之精微辨析古今之同異原心於杪忽較理於分寸以積累為功以涵養為主辟面盎背則於諸儒誠有愧焉至於堂堂之陳正正之旗風雨雲雷交發而並至龍蛇虎豹變現而出沒推倒一世之智勇開拓萬古之心智自謂差有一日之長亮意蓋指朱熹呂祖謙等云高宗崩金遣使來弔簡慢而光宗由潛邸判臨安府亮感孝宗之知至金陵視形勢復上疏欲激孝宗恢復在廷交怒以為狂怪未幾光宗策進士間以禮樂刑政之要亮以君道師道對時光宗不朝重華宮羣臣更進迭諫皆不聽得亮策適大喜以為善處父子之間奏名第三御筆擢第一既知為亮則大喜曰朕擢果不謬孝宗在南內寧宗在東宮聞知皆喜授食書建康府判官

陳自強

按宋史陳自強傳自強福州閩縣人字勉之登淳熙五年進士第慶元二年入都待銓自以嘗為韓侂胄童子師欲見之無以自通適僑居主人出入侂胄家為言於侂胄一日召自強比至則從官畢集侂胄設褥於堂鄉自強再拜次召從官同坐侂胄徐曰陳先生老儒汨沒可念明日從官交薦其才除太學錄選博士數月轉國子博士又遷祕書郎入館半載擢右正言諫議大夫御史中丞入臺未踰月遂登樞府嘉泰三年拜右丞相歷封新衛泰國公韓侂胄頗朝權苞苴盛行自強尤貪鄙四方致書餽必題其緘云某物并獻凡書題無并字則不開縱子弟親戚關通賄賂仕進干請必諸價而後予都城火自強所貯一夕為燬燼侂胄首遣之萬緡執政及列郡莫不有助不數月得六十萬緡遂倍所失之數吳職有逆謀求歸蜀厚賂自強自強語侂胄縱之歸職卒受金人命為蜀王侂胄姦兒久盜國柄自強實為之表裏既開邊隙朝野洶洶史彌遠建議誅侂胄詔以自強阿附充位不恤國事罷右丞相未幾詔追三官未州居住又貴武泰軍節度使部州安置中書舍人倪思繳奏乞遠竄籍其家詔從之再責復州團練副使雷州安置後死於廣州

陳源

按宋史陳源傳源淳熙中提舉德壽宮頗有寵俄帶浙西副總管給事中趙汝愚言內侍不當干軍政遂

罷源恃恩顯恣孝宗聞而惡之十年春詔源應奉日久特落階官與京祠給事中宇文价封還錄黃改外祠臺官黃洽等又劾之乃謫源建州居住籍其貲言者猶未已移源郴州光宗即位復召還紹熙四年自拱衛大夫未州防禦使除入內侍省押班帝以疾不朝重華宮源與內侍楊舜卿林億年數有間言寧宗即位命三人俱事光宗於泰安宮御史章穎論其離間君親乞行誅竄詔罷源等官源撫州居住慶元二年以生皇子恩許自便給事中汪義端駁之乃移源婺州源在貶所與妓濫以淫媒聞人疑其非宦者云

陳舜申

按尚友錄舜申字休謨連江人七歲能屬文淳熙中舉進士歷衡陽府歸教授累遷知漳浦縣有惠政遷著作郎入對以正心任人爲先直而不計上皆嘉納由是有忌之者遂主管武夷中祐觀起參議淮閩未赴卒舜申以學問淑後進以行義率鄉里以節操立朝廷以義方教子孫所著有易鑑語孟中庸大學集解渾源發旨審是集兵書訂解及高齋文集

陳德豫

按尚友錄德豫字子順連江人少好學博通六藝諸子百家之旨淳熙中登進士甲科調建州戶曹試教官首選分教宣城郡學舊有二程遺文時禁程氏學令焚燬之德豫護藏唯謹改京教累遷諸軍糧料院歲早求言德豫上封事以諱天變諱人言爲致旱之由乞去二諱以回天變上嘉納之又累遷著作郎官至大理卿有文藁三十卷

陳宋輔

按萬姓統譜宋輔字公弼寧德人覺民子淳熙中舉進士累官柳州教授平生尚節槩重然諾士民敬憚之論事貶餘姚縣主簿

陳光祖

按萬姓統譜光祖字世德希造之子嘗督修內府及造御創萬盈倉例賞三官皆不陳乞官終梅陽守光祖以父歿王事補官好儒重禮德行政事皆不凡知英德府日上供泛輪幾倍光祖奏獨第四戶以寬民力滇陽渡湍惡舟多覆溺更創巨艦以濟廖德明行部嘆曰陳公可謂依本分君子也尋改知邕州特除廣東提刑光祖作欽恤編以戒僚屬新濂溪祠以崇教道又損故錢三千緡以代給邑兵之廩而凡一切無名之征悉蠲除之積官朝奉郎

陳鎮

按福州府志鎮字師文羅源人淳質有守少慕伊洛考亭之學屢試禮部獨以正心誠意爲說俱見黜後以時務對遂擢第及廷試慨然曰今得對天子之庭可負所學耶復以誠意正心對孝宗見策特擢奏名第一

陳經

按龍溪縣志經字叔綸登淳熙進士第調廣州司理辟新興令改福清首以教化爲務倅循州知欽州封州秩滿歸恬於仕進有德齋文集

陳震

按泉州府志震字省仲晉江人淳熙十四年進士知甌寧縣再令新建通判饒州知紹州攝憲節卻臺府

例券數千緡召除軍器監丞遷太府丞奏乞減二廣丁錢奉祠歸里卒有春秋史編雜著數十卷

陳傳良

按宋史陳傳良傳傳良字君舉温州瑞安人初患科舉程文之弊思出其說爲文章自成一家人爭傳誦從者雲合由是其文擅當世及入太學與廣漢張栻東萊呂祖謙友善登進士甲科教授奉州龔茂良薦於朝改太學錄出通判福州丞相梁克家領帥事委成於傳良強禦者除結言官論罷之後五年起知桂陽軍光宗立稍遷提舉常平茶鹽轉運判官轉浙西提點刑獄除吏部員外郎去朝四十年至是歸鬻贊無黑者都人聚觀嗟嘆號老陳郎中遷祕書少監兼實錄院檢討官嘉王府贊讀紹熙三年除起居舍人明年兼權中書舍人光宗得心疾不過重華宮傳良上疏帝將從之出至御屏皇后挽帝回傳良遂趨上引裾后叱之傳良哭於庭下殿徑行詔改祕閣修撰仍兼贊讀不受寧宗即位召爲中書舍人兼侍讀直學士院同實錄院修撰御史中丞謝深甫論傳良言不顧行出提舉興國宮明年創秩罷嘉泰二年復官起知泉州辭授集英殿修撰進寶謨閣待制終於家諡文節有詩解詁周禮說春秋後傳左氏章指行於世

陳卓

按宋史陳居仁傳居仁字卓字立道紹熙元年進士知江州移軍國府丞相以故欲見之卓謝不往爲簽書樞密院事未幾祠還里卒年八十有六其孫定孫力請諡於朝迺諡清敏